

Saráq Nahum Santoiq Atőng

Saráq nái Nahum chǐc sám 650 cumo nhũng dõi Yê-su. Án chǐc sacoâiq atőng tẽ Yang Sursĩ ẽ pupúrt vil Ni-navê cớp ẽ talõh cruang Asi-ria.

Noap tẽ Yô-na atőng tâng vil Ni-navê bັn muoi culám cumo chor, cớp máh cູai tâng vil Ni-navê táq ranáq sâuq cớp cõt tachoât loah sĩa. Ngkíq Yang Sursĩ ón Nahum ẽn toâq atőng tẽ ranáq Yang Sursĩ ẽ talõh pupúrt vil Ni-navê.

Chor vil ki lúq cõt ralõh tâng cumo 612 nhũng tẽ dõi Yê-su.

Yang Sursĩ Yỗn Vil Ni-navê Roap Tôt

¹ Nái la máh ranáq Yang Sursĩ sapáh yỗn Nahum la cູai tẽ vil El-côih. Œc sapáh nái atőng máh ranáq ẽ toâq põr vil Ni-navê.

² Yang Sursĩ tõr ẽq noau sang yang canõh ca tampling cớp án; án manrap máh cູai chíl án. Yuaq Yang Sursĩ sâng cutâu mứt, án carläh dõq chóq alói. ³ Yang Sursĩ tõr bັn coáp nsóq, ma án bັn chorc toâr lúq; ngkíq án tõr nai yỗn cູai lõih vót tẽ alói roap tôt. Ntõq léq án tayáh, ntõq ki lúq bັn cuyal rapuq avêng rêng lúq; cớp máh ramúl cõt ariang phốn cutêq tẽ talang ayüng án. ⁴ Án ón dõq mứt sarêt, chor dõq ki sarêt cõt khõ; án táq yỗn máh crõng cõt sarêt khõ nheq. Máh

ruang bát tâng cruang Basan cớp tâng cóh Carmel cốt sangot, cớp máh aluang tâng cruang Lêbanôn cốt roõh khô nheq tê. ⁵ Choâng moat Yang Sursĩ máh cóh cốt rachâu, cớp máh dûal cóh raliei ta-áh asêng nheq. Từ Yang Sursĩ toâq, tâm cutêq cốt cacut nheq, dêh cốc cutêq nái cớp nheq tûh cüai cốt cangcoaih, cõ sâng ngcoh lúq. ⁶ Noau rơi táng chíl Yang Sursĩ toâq án sâng cutâu mứt? Noau rơi chiuq tanhîr ōc cutâu mứt án? Ōc cutâu tẽ án satûol achõn samoât pla ūih; máh ngôl tamáu cốt pacháh dûoiq nheq choâng moat án. ⁷ Yang Sursĩ la o luat ngư; bo ōc túh coat toâq, án toâp la ntôq parnoâng; án bán curiaq máh cüai ca toâq põ án. ⁸ Án cốt ariang dõq hoi coar lúq, dõq pupút máh cüai par-ūal án; án táq yõn alói ca chíl án cóq cuchít.* ⁹ Anhia aloõh ngê ntrórú ma têq chíl Yang Sursĩ? Án ẽ pupút nheq anhia. Lúq samoât, cüai ca chíl Yang Sursĩ, cüai ki têq táq ngkíq ống muoi trõ sâng. ¹⁰ Máh cüai ki cốt samoât án yoc lúq nguaiq blõng; chơ nõ-ra alói cuchít nheq na ūih cat ariang rapul sarlia cớp bát khô cat tê.†

¹¹ O vil Ni-navê ơi! Bữn manoaq cüai tachoât lúq, án loõh tẽ vil anhia, án la cüai aloõh ngê ẽ chíl Yang Sursĩ, cớp án radûng cüai canõh táq machóng án tê. ¹² Yang Sursĩ pai chóq tõp Yuda la cüai proai án neq: “Tam vil Ni-navê bán rêng cớp bữn cüai clûng, nõ-ra alói cốt pût

* ^{1:8} 1:8 Rana nái bữn án ca parlóng neq: ‘Yang Sursĩ yõn dõq lut calûp nheq ntôq cüai par-ūal án òt.’ † ^{1:10} 1:10 Rana 10 nái tõ bữn raloaih tâng parnai Hê-bro’.

sarbiet nheq. O' máh cūai proai cứq ơi! Cứq khoiq táq yỗn anhia chīuq túh coat, ma nõ-ra cứq tõ bữn táq noâng ngkíq. ¹³ Sanua, cứq ẽ püot aloõh chíq chörch tõp Asi-ria yỗn alói tõ bữn cõt sõt noâng anhia, cóp cứq ẽ kiaq chíq sái-sô alói sacáp anhia."

¹⁴ Yang Sursĩ khoiq anoat ranáq ca ẽ táq chóq tõp Asi-ria neq: "Chumát alói óq tõng toiq dõq clieu ramúh alói. Cứq ẽ talõh tách máh rup yang alói cucõh sang tâng dõng sang alói. Cứq ntõm thrúan prúng dõq túp tõp Asi-ria, yuaq alói moang cūai sâuq lúq."

¹⁵ Nhêng tih! Bữn manoaq dũng santoiq o pau yang máh cóh atoâq santoiq ki yỗn anhia. Án põq tâng rana dõq pau atõng bữn óc ien khẽ chor. O' tõp Yuda ơi! Cóq anhia kĩaq yỗn o máh tangái táq rit cha bûi; cóp cóq anhia táq moâm máh óc anhia khoiq par-űq cóp Yang Sursĩ. Máh cūai loâi ki tõ nai toâq noâng põ anhia; nheq náq alói cheq ẽ cuchít pút chor.

2

Vil Ni-navê Cõt Rung Ralõh

¹ Máh cūai vil Ni-navê ơi! Án ca ẽ chíl anhia khoiq toâq chor! Cóq anhia táq yỗn khâm máh ntõq kĩaq vil, cóp kĩaq catâng máh rana mut tâng vil hõ! Cóq anhia parõm sa-űi tahan cóp thrúan rachíl!

² Yang Sursĩ cheq ẽ yỗn tõp Yuda roap loah chörch cóp óc yám noap parnõi cóp tõp I-sarel, tam

máh cūai par-ūal khoiq mut pőn nheq tāng vil alóí.

³ Tőp tahan cūai par-ūal anhia, alóí yōng khĕl cusâu cóp tâc tampâc cusâu tê. Tāng tangái thrūan ẽ rachíl, máh sĕ aséh rachíl alóí báiq ariang sapoan, cóp máh aséh rachíl sansól ayúng thrūan ẽ pőq rachíl. ⁴ Máh sĕ aséh rachíl pőq chái lúq tāng máh rana téh clang tāng vil. Poang tĕ sĕ aséh claq ariang tabong claq poang. Alóí pőq chái lúq ariang lalieiq lacang. ⁵ Cūai taniap tahan arô máh tahan án. Máh tahan tál-toc tháng pőq chu viang vil, chor alóí caldõh bo alóí pőq. Moâm ki alóí ayúng khĕl dőq capáng crong alóí ẽ clúh ngoah toong viang vil. ⁶ Máh panór catáng crõng cõt raclõng aloõh, cóp tāng dõng puo bǚn moang ōc croõq ngcoh. ⁷ Lacuoi puo pîeiq noau cõp; máh sül án nhiam parhũ samoât chörm tariap bür, chor alóí trúp apom bürm cõ sâng túh ngua lúq. ⁸ Máh cūai proai tál tháng loõh tĕ vil Ni-navê, ariang clúh dőq panoân. Bùn suong casang lúq pai neq: “Tangút! Anhia tangút!”

Mõ cūai ca lúh dĕq, alóí tõ bùn ramíng tĕ suong ki.

⁹ Âu, pûr ït nheq máh práq cóp yĕng, cõ máh mun tāng vil nái sa-ñi luat ngur! ¹⁰ Vil Ni-navê khoiq noau talõh tâh chor, cõt samoât vil rangual ōq cūai õt, cóp cõt ntõq ngua vơ lúq. Dû náq cūai sâng ngcoh lúq toau tõ chác cangcoaih nheq, lõh racõl parkeh tõ têq pupõq noâng, cóp

moat múh alói ngôt nheq. ¹¹ Tẽ nhູang vil Ni-navê samoât cùp cula samín õt. Ntőq ki cula samín coi luloah pőq chu. Ntőq ki bູn máh con án õt, cùp tõ bູn noau têq atûih con án. ¹² Cula samín tõl dũng achu cumáp yõn con án cha, cùp án cubõ achu charán ki yõn cula samín cán cha tê. Án parõm pachúrm dõq crong sana poân tâng cùp, děh sâiq án khoiq háq cõt měng hõ. Ma sanua, chorc vil Ni-navê khoiq pút nheq cho.

¹³ Yang Sursĩ Sốt Toâr Lúq pai chóq vil Ni-navê neq: “Cứq cõt par-űal anhia! Cứq ẽ chõng tâh nheq sễ aséh rachíl khong anhia yõn cat nheq, cùp pla dau ẽ tráh nheq tahan anhia ariang cula samín tõ yüah thõng. Cứq tõ bູn yõn anhia rapõn ratáq noâng cüai tâng cõc cutẽq nãi. Cùp tõ bູn noau sâng noâng suong cüai pőq muap práq yõn anhia.”

3

¹ Bap lúq toâq põ vil Ni-navê ca bູn moang cüai lauq cùp cüai ẽ cachít cüai canõh, děh bູn moang crong ralôp hõ. ² Cóq anhia tamứng! Bູn suong samữ noau proaih, suong ayũng sễ parláu, suong aséh lúh chái lúq, cùp suong sễ aséh rachíl partoâp tâng cutẽq. ³ Máh tahan õt aséh, tál tháng mut rachíl, máh pla dau parkeh chaiq, cùp máh coih bubluoq! Máh sac cüai radõc racong tháng, tõ rơii ngih noâng; máh cüai tayáh pőq sarín sarêu dóm cudõh máh sac cüai cuchít. ⁴ Vil Ni-navê la ariang mansẽm chẽq tõ, ma sanua án roap tôt. Án khẽuq raphẽq rathũ

sa-ũi ngê, dêh khêuq radüng cruang cūai yõn cõt sül. ⁵ Yiāng Sursī Sốt Toâr Lúq pai neq: “Vil Ni-navê oī! Cúq par-ūal anhia! Cúq ê satár aloõh máh tampâc tẽ tő mới, cōp paliang apáh yõn máh cruang cūai nhêng mới õt mu rariat. ⁶ Cúq ê mumat mới cōp voang crong nhợp chóq mới. Ngkíq, nheq tûh cūai ê nhêng cloân chu mới cōp ayê ra-ac mới. ⁷ Dū náq cūai ca bûn hûm mới, alói ê lúh tẽ mới cōp pai neq: ‘Vil Ni-navê khoiq cõt vil rúng ralõh chø! Noau noâq sâng sarüiq ayooq án? Cōp noau noâq yoc ê aliam án?’ ”

⁸ Vil Ni-navê oī! Mới o hõn tẽ vil Thê-bêt tâng cruang Ê-yip-tô tõ? Vil Thê-bêt bûn tê dõq hoi cõt samoât viang vil dõq curiaq vil ki. Dõq crõng Nil khoiq curiaq vil Thê-bêt ki. ⁹ Bo ki vil Thê-bêt cõt sõt bar cruang Ê-thia-bi cōp Ê-yip-tô; chorc án toâr lúq luat ngư. Án ratoi cōp cruang Put cōp cruang Li-bia. ¹⁰ Ma noâng noau cõp dñng máh cūai proai tẽ vil Thê-bêt chu cruang canõh. Máh con alói noau pieih toau cuchít këng dñ rana. Máh cūai sõt alói, ki noau clõong toâq sái-sô cōp catïng, dêh tampêq na séng yõn máh cūai ca cõp alói hõ.

¹¹ Vil Ni-navê oī! Nõ-ra, anhia lúq cõt ariang cūai bûl plêc tê; anhia chuaq rana ê lúh cūai par-ūal machóng cūai vil Thê-bêt tê. ¹² Dû ntõq parnoâng tâng vil Ni-navê cõt samoât nõm tarúng bûn moang palâi chïn; toâq noau acûr nõm, máh palâi ki satooh pïeiq tâng bôq cūai acûr. ¹³ Máh cūai tahan anhia cõt ieuq samoât

mansẽm, cớp cruang anhia őq cũai bán curiaq. Śih ẽ cat nheq máh tac raláng anhia cláng ngoah toong vil. ¹⁴ Cóq anhia őh dőq trῦoq dőq voai, nhῦang noau tõ yūah crôq lavíng vil; cớp cóq anhia kĩaq curiaq vil yỗn khâm lúq. Cóq anhia tĩn choan cutêq yỗn tabát dőq táq kec, cớp thrûan lo dőq bôh cutêq ki. ¹⁵ Tam anhia táq ntróu, mõ anhia cóq cuchít na ūih, tõ la na rachíl. Anhia píeq noau pupút thréc nheq, ariang sampúh lam cha nheq máh sarnóh chóh.

Anhia khoiq rúh clứng lúq samoât lam. ¹⁶ Anhia bữn cũai chéq chõng sa-űi, clũi tẽ mantôr tâng paloõng. Ma sanua, máh cũai ki cõt pút thréc nheq, cõt samoât sampúh lam paliang khlap, chơ pâr pupru' chu canõh. ¹⁷ Máh cũai sốt anhia cõt samoât lam póc tâng viang vil catữ sangět. Toâq moat mandang loõh, lam ki pâr nheq, cớp tõ bữn noau dáng án pâr chu léq.

¹⁸ O puo cruang Asi-ria ơi! Máh cũai sốt canõh tâng cruang mới khoiq cuchít chơ, cớp máh cũai arieih mới la bẽq langêt tháng. Máh cũai proai mới cõt pláh chap tâng máh cóh, cớp tõ bữn noau dũng alói píh chu loah. ¹⁹ Tõ bữn rêu aluang ntróu têq palai tâng bóc anhia, dőq yỗn cõt bán. Dũ náq cũai ca sâng han tẽ mới, alói tambrõp atĩ ca-iep mới, yuaq tõ bữn cũai aléq ma ramóh túh coat ìn anhia táq chóq alói.

**Parnai Yang Sursī - Kinh Thánh tiếng Bru
Bru, Eastern: Parnai Yang Sursī - Kinh Thánh tiếng
Bru Bible**

copyright © 2015 Wycliffe Bible Translators, Inc.

Language: Eastern Bru

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 21 Feb 2024 from source
files dated 29 Jan 2022

2f74bcbe-d4f1-5386-8c30-29d0147bb706